

КОМИ МУ БОСЬТЧАС

Коми муын уна олысь,
Бур йӧз пӧвстын уна полысь:
Сэні эмӧсь быдся сорт,
Ӧткымыныс зэв лёк морт.
 Лёк морт оз мун югыдінӧ,
 Кызди вермӧ аслань синӧ -
 Сылы выль олӧм оз туй,
 Тшӧтш и йӧзлы потшӧ туй...
Со республика пӧ кутны
Лоӧ сьӧкыд - оз ков «шутны»,
Коми кыв пӧ миян гӧль,
Йӧзыд дуркӧсь - син ни пель...
 Бур йӧз, налысь омӧль мойдӧм
 Энӧ кывзӧй, прӧстӧ пойгӧм;
 Быдся бурыс миян эм:
 Стрӧйба вӧрыд быдмӧ тшем.
Кор республикаыд воссяс,
Вӧлись олӧмыд и босьтчас.
Лоӧ шуда Коми му,
Содас, бурмас видз и му;
 Фабрик-завод лоӧ уна,
 Воддза олӧм регыд вунас!
 Колӧ вежны олан ног,
 Коми йӧзлы оз ло шог.
Велӧдчӧм йӧз миян уна,
Сӧмын война вӧлі мунӧ,
Ӧні быдӧн локтас бӧр,
Сӧмын уджав, зіля вӧр.
 Тӧдӧ быдӧн: миян Виттор
 Коми кывйӧн гижас быдтор,
 Лоӧ сьылӧмыд не важ,
 Энӧ шогсьӧй - лоӧ гаж.
Энӧ тіргӧ, энӧ полӧ,

Ас республикаыд колö:
Олöм бурмас - лоö выль,
Шуад: тайö пö тай збыль.
Огö кутö овны шогөн,
Кутам овны коми ногөн:
Коми зонлы - коми ныв!
Коми йöзлы - коми кыв!